



PISSASSARFIK

Nuna Tamakkerlugu Innarluutilinnut Sullissivik
-Piginnaanngorsaaqqinnermut aamma piginnaanngorsarnermut

Periusissiaq & periusissiamut pilersaarut 2025-2028

Pissassarfiup siunertaraa Kalaallit Nunaanni innuttaasut innarluutillit inuunermikkut atugarissaarnerisa isumaqartumillu inuuneqarnissamut periarfissaasa pitsanngorsarnissaat.

ICF kiisalu Naalagaaffit Peqatigiivisa inuit innarluutillit pillugit isumaqatigiissutaat, aamma Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq tunngavigalugit Pissassarfiup pisussaaffigivaa pineqartut makku pitsaanerpaamik sullisissallugit:

- Inuit innarluutillit
- Inuit piginnaasakillisimasut, soorlu inooqataanermi akimmiffusinnaasut allat sunneeqataanerisigut, inuit allat naligalugit inuiaqatigiinni tamakkiisumik sunniuteqarluartumillu peqataasinnaanermikkut akornuserneqarsimasut
- Innarluutilinnut qanigisaasut
- Suliassanum immikkut ilinniarsimasut, innarluutilinnik sullisissut
- Nunatsinni innuttaasut kikkulluunniit, innarluuteqarneq pillugu saaffiginnissuteqartut

* ICF (International Classification of Functioning, Disability and Health) tassaavoq nunani tamalaani piginnaasaqassutsikkut piginnaasakillisimanermilu piginnaanngorsaaqqinnissaq pillugu, immikkoortiterinissamut malitassiaq kiisalu periutsinik suleqatigiinnermi maleruagassiaq, inuk tamaat pillugu, tamatumani timi, eqqarsartaaseq, sammisaqarneq, peqataaneq, avatangiisit ilanngullugit.

“Pissassarfiup ammarneqarneranit ukiut arfineq marluk qaangiunneranni, maanna Pissassarfimmi tunngaviusumik nuna tamakkerlugu inunnut innarluutilinnut sullisitsinni alloriarnissamut tulliuttumut piareersimavugut.

Periusissitsinni nutaami siunertaralugulu anguniarparput, nunatsinni innuttaasut, sullitatta komunit aamma suliassaqarfiit allat innarluutillit pillugit suliaqarfusut, Pissassarfiup neqeroorutaanik ilisimaarinerulernissaat qanorlu atorneqarsinnaaneriniq ilisimasaqarlualernissaat. Tamannalu pitsaaneruserumik attaveqatigiinnitsigut qanimullu suleqatigiilluarnitsigut angorusparput.”

Naja O. Lennert
Pissassarfimmi pisortaq



Periusissiaq

Periusissitsinni nutaami angorusparput, Kalaallit Nunaanni innuttaasut innarluutillit piginnaasakillisimasut inuit allat naligalugit inuiaqatigiinni tamakkiisumik kiffaanngissuseqartumik sunniuteqarluartumillu peqataasinnaanerisa siuarsarnissaa.

Tamanna anguniassavarput ataatsimoorussamik kivitseqatigiinnitsigut, suliassaqarfinni assigiinngitsuni tamani innarluutillit pillugit suliaqarfusuni, sulisut assigiinngitsunik piginnaasaqartut suleqatiginerisigut.



Pissassarfik

- Inuk qitiutillugu angusassamik piginnaangorsaaqqinneq aamma piginnaangorsaaneq
- Qanigisat peqataatinnerisigut qanigisanut ilitsersuineq aamma siunnersuineq
- Tapersersortit aamma suliassaqrarfiit allat attuumassutillit peqataatinnerisigut siunnersuineq aamma ilitsersuineq
- Piginnaangorsarnerup ingerlatiinnarneqarnissaanut malitseqartitsineq



- Siunnersuineq aamma ilitsersuineq
- Qulaajaaneq
- Ilinniartitsineq
- Pikkorissarnerit / Innarluutilinnik naapeqatigiissitsinerit
- Ilisimasaniq siammarterineq



- Innuttaasut innarluutillit imaluunniit piginnaangorsaaqqinneqarnissamik pisariaqartitsisut naapillugit, sivikitsumik ilitsersuineq aamma siunnersuineq kiisalu Pissassarfimmut pissassariarsinnaanerannik misissuineq
- Siusinnerusukkut Pissassarfimmi pissassariarsimasunik malitseqartitsineq
- Innunut innarluutilinnut aamma ilaqutaasunut attaveqatigiinnermi pilersitsinermik ikiunneq
- Innunut innarluutilinnut tunngatillugu atuarfinni, paaqqinnittarfinni aamma najugaqarfinni sulisunik ilitsersuineq
- Illoqarfimmi tikitami kissaatit suliassallu allat innunut innarluutilinnut attuumassuteqartut
- Kommunimi sullissisut naapinneri
- Pissassarfimmi sulisut piginnaasai tunngavigalugit Workshop ingerlanneqartarput, soorlu ADHD aamma autisme pillugit qanigisaasunut sullissisunullu



PISSASSARNEQ

Pissassarnermi innuttaasup ulluinnarni imminut isumaginerulernissaa pitsaanerpaamillu sumiiffigisamini inuuneqalernissaa anguniarneqartarpoq, tamanna innuttaasup timikkut ilisarsisinnaassut-sikkulluunniit piginnaasakillisisanermi, ulluinnarni unammillertitai angorusutaalu aallaavigalugit pissassarneq ingerlanneqartarpoq.

Pissassartup qanigisaanik imaluunniit tapersersortaanik peqataasqartillugu, pissassariartup piginaasamigut killiffia aallaavigalugu, aamma ikorfartorneqarnissaa anguniarlugu peqataasut ilitsersorneqarlutillu siunnersorneqartarput.

Pissassarfimmit siunnersuutigineqarlunilu pingaartinneqarpoq innuttaasup pissassarluni naammassinermini sungjusaatit angerlaassami aallutiinnarnissai, aamma innuttaasumut attuumassutillit sullissisut pissassariarsimasup anguniagassaanut iliusissatut suleriesissioornissaat.

Taamaallunni ataatimoorussamik kivitsinikkut pitsaasumik innuttaasup sullinneqarnissaa anguneqarsinnaammat, aamma innuttaasup inuiaqatigiinni inuuniarnikkut ataqatigiissumik tulluarsakkamik inooqataasinnaanissaa anguniarneqarsinnaammat.



NUNA TAMAKKERLUGU SULINIUTEQARNEQ

Pissassarfiup anguniagarivaa nuna tamakkerlugu kommunini suliassaqrarfiit assigiingitsut pitsaasumik sullissisallugit, ataatsimoorutumillu isiginneriaaseqarluni suliani assigiingitsuni suliassaqrarfiit assigiingitsut pisariaqartitai naapertorlugit, suliassaqrarfillu assigiingitsuni atortunik ikiutinik, suliassanik innarluuteqarnermut tunngasunik assigiingitsunik pitsaanerpaamik siunnersuilluni ilitsersuineq, qulaajaaneq aamma ilinniartitsineq. Suliassanut immikkut ilinniarsimasunut pingaarnertut ilinniagaqarsimangitsunut innarluuteqarnermut tunngasunik Pissassarfimmi pikkorissaanerit, aamma innunut innarluutilinnut Pissassarfimmi naapititsinerit pitsaasumik qulakkeerlugit ingerlanneqarnissai. Nuna tamakkerlugu innunut piginnaasakillisisamasunut aamma innunut innarluutilinnut qanigisaasunullu pitsaanerpaamik siunnersuineq aamma ilitsersuineq, saaffiginnissutaat killiffililu aallaavigalugit.

Inuiaqatigiit inuit innarlutaannut paasinninnerulernissaat anguniarlugu ilisimasaniq aamma paasissutissanik suliassaqrarfiit attuumassutillit allat peqatiserinerisigut anguniarparput innarluuteqarnermut tunngasut paasissutissat assigiingitsut nunatsinni ataqatigiissakkamik tutsuiginartunik tamakkiisumillu imaqtartut ataatsimoorutumik katersuuffeqalernissaat.

Pissassarfimmi siunnersuinerit ingerlanneqartarput Pissassarfimmut ornigunnikkut, oqarasuaat aamma maili aqqutigalugit. Maanna Pissassarfimmit anguniarparput attaveqaat video aqqutigalugu siunnersuisarnerit pisariitsumik atoruminartumillu ingerlanneqartalernissaat.



PISSASSARFIMMI ANGALASARTUT

Pissassarfiup angalasartuisa Kalaallit Nunaanni sumiiffiit assigiingitsut ukiunermi marloriarlutik tikittarpat. Tikeraarnermi siunertaavoq pissassariarsimasut angerlarsimaffinut ornigulluni malitseqartitsilluni pulaarneq. Suliffeqarfiit innarluutillit pillugit suliqaarfusut assigiingitsut pulaarlugit siunnersuillunilu ilitsersuineq.

Innuttaasut innarluutillit aamma inuit piginnaangorsarneqarnissamik pisariaqartitsisut sivikitsumik naapillugit siunnersuineq aamma ilitsersuineq kiisalu pissassariarsinnaanerannik misissuineq.

Kommunimi sullissisunik (sagsbehandler) naapitsineq, sullissisut naapinneranni siunertarineqarpoq sullissisut Pissassarfiup neqeroorutaannik ilisimannillualernissaat aamma suliqaarfiani pisariaqartit naapertorlugit siunnersuineq aamma ilitsersuineq; Kommunillu kissaatai malillugit Pissassarfiup angalasartui kommunu suleqatigalugu sullissinissamik aqqqissuisinnaapput.

Anguniagassat takorluukkat

Pissassarfiup siunertaraa innuttaasut innarluutillit aamma innarluutilinnut qanigisaasut, inuunermi killiffimminni atugarissaarnerisa isumaqarluartumillu ulluinnarisaminni inuuneqarnissamut periarfissaasa pitsanngorsarnissaat.

Taamatullu Pissassarfiup siunertarivaa Kalaallit Nunaanni innuttaasut, aamma innarluutillit pillugit suliagarfinni suliallit pisariaqartitaat naapertorlugit pitsaanerpaamik siunnersorlugillu ilitsersornissaat.

Anguniagaq

Kalaallit Nunaanni innuttaasut aamma innarluutillit pillugit suliagarfinni sulisut, Pissassarfiup sullisinermi neqeroorutaanik ilisimasaqarlualernissaat.

Periusissatut pilersaarut 2025-2028

1. Pissassarfik pillugu paasisutissat assigiinngitsut nutarterneri, pikkorissarnernut / naapeqatigiissitsinernut peqataanissamut nalunaarniarluni immersugassat, kiisalu kommunini sullissisut innersuussinermi immersortagaasa digitalinngorsarneri- 2025
2. Innuttaasut pitsaanerpaamik sullinniarlugit, kommunit qanimut suleqatigilernissaanut sullissinermik suleqatiserinnineq qulequtaralugu: "Qanimut qanoq suleqatigiissinnaavugut?" -2025/2026
3. Pissassarfiup neqeroorutai pillugit paasititsiniaaneq -2025/2028

2025/2026

Pissassarfik pillugu paasisutissat assigiinngitsut nutarterneri, pikkorissarnernut/naapeqatigiissitsinernut peqataaniarluni nalunaarniarluni immersugassat aamma kommunini sullissisut innersuussinermi immersortagaasa digitalinngorsarneri

- Pissassarfik pillugu paasisutissat nutarterneri
- Pissassariarnissamut innersuunneqarsimasunut, ingiallortaasunut/ tapersersortaaunut ilitsersuutit saqqummersinneri
- Pissassarfimmi pikkorissarnernut aamma naapeqatigiissitsinernut peqataaniarluni nalunaarnissaq ajornannginnerulersinniarlugi, nittartagaq aqqutigalugu ditigalimik immersuisinnaanerup periarfissatut pilersinnera aamma atuutsilerneru
- Sullissisut (sagsbehandler) innuttaasut Pissassarfimmut pissassariarnissaanut innersuussinissaat ajornannginnerulersinniarlugi nittartagaq aqqutigalugu digitalimik immersuisinnaanerup periarfissatut pilersinnera aamma atuutsilerneru

2025/2026

Kommunit qanimut suleqatiserinnineq

Innuttaasut pitsaanerpaamik sullinniarlugit, kommunit qanimut suleqatigilernissaanut sullissinermik suleqatiserinnineq, qulequtaralugu: "Qanimut qanoq suleqatigiissinnaavugut?"

Tassani anguniarneqassaqaq kommunini tamani sullissisut, aamma kommunit suliffeqarfutaanni sulisut Pissassarfiup neqeroorutaasa suliassaqarfimminni ilisimaarilernissaat, kiisalu qanoq atorsinnaaneriniq ilisimaarinnillualernissaat.

2025/2028

Pissassarfiup neqeroorutai pillugit paasititsiniaaneq

Pissassarfik pillugu paasisutissat nutartikkaat saqqummersinneqaraangata kommunit innuttaasunullu paasisutissiinerit ingerlanneqartassapput.

Kommunit tamakkerlugit qanimut suleqatigilersimanagerisa kingorna, Pissassarfiup neqeroorutai pillugit innuttaasunut paasititsiniaanerit ingerlanneqassapput.



Periusissiaq anguniarlugu qilaammik katuaqatigitigut

Pissassarfimmi periusissiatsinni nutaami naammasserusutagut angorusullugit qanimut suleqatigiinnerup aallartilluarnissaa pingaartipparput. Neriutigivarpullu anguniakkat ataatsimut pissassaaffittut isigalugit atuutilersikkumaarivut.

Pissassarfik-tassaavoq siulitta angakut/angakussartut timikkut, tarnikkut eqqarsartaatsikkullu pissassariarlutik ornittagaat.

Pissassarfik - Nuna Tamakkerlugu Innunut Innarluutilinnut Sullissivik innunut innarluutilinnut, innarluutillit qanigisaannut, innarluuteqarneq pillugu suliaqartunut piginnaangorsaaqqinniarluni aamma piginnaangorsarniarluni pissassariarfusarpoq.

Ilmarnermi qilaat silap aappaanut ikaarnermi atorpeqartarpoq, tassannga silami maani pissassaattitut atorpeqarsinnaasunik, anersaat nukiinik aallerfusarluni. Ullumikkut nukinnik nutaanik ataatsimoorfigisassatsinnik aallartitsiniarnitsinni "*qilaammik katuaqatigitigut*."



Periusissiaq & Periusissiamut pilersaarut 2025-2028 Pissassarfimmit suliarineqarlunilu saqqummersinneqarpoq: marts 2025 - Assit: Dortheivalo L. Jensen & Daana R. Geisler



Nuna Tamakkerlugu Innarluutilinnut Sullissivik
- Piginnaangorsaaqqinnermut aamma piginnaangorsarnermut
Det Landsdækkende Handicapcenter
- For rehabilitering og habilitering

+299 34 50 70
pissassarfik@nanoq.gl
Nalunnguarfimmud 4
Postbox 477
3911 Sisimut
Pissassarfik



pissassarfik.gl